

Sa maladie tirant en longueur. Car il fut plus de trois mois, tantost dans vn peu de vie, maintenant quasi dans la mort, il appelloit ceux qui restoient de sa famille, & leur donnoit des confeils admirables. En fin on fit tant de prieres pour luy, nos Peres s'adressans à Dieu par quelques vœux & par quelques mortifications, qu'au mesme temps qu'on l'auoit abandonné, & qu'on luy donnoit comme à vn mort tout ce qu'il desiroit, Dieu luy renuoye sa fanté, le voila forty du tombeau avec l'estonnement des François & des Sauvages. Il s'en va chercher sa prouision de chair d'Esclans dans les bois, il part en Mars apres tous les Sauvages, & reuiet en Auril, & cependant il en rapporte plus que six autres ensemble. Au retour il est accueilly d'vne tempeste dans les glaces, il a recours à Dieu, fait prier sa famille, il fort du peril qui l'alloit engloutir, & qui abyfma l'vn de ses canots chargé de viande. Comme il vit que quelques-uns de ses gens ne prioient pas de bon cœur, il leur dit, voicy que nous abordons la maison des François, où on a promis de me [2 i.e., 12] loger. Je ne veux personne avec moy qui ne croye en Dieu. Si quelqu'[v]n de vous autres n'a le cœur ferme, qu'il prenne sa part de nostre prouision, & qu'il se retire ailleurs. Il auoit deux femmes auant son baptesme, la plus forte & la plus ieune mourut Chrestienne: L'autre qui n'a guiere d'esprit se monstroit froide en la foy. C'est à celle-là qu'il parloit tacitement & à sa sœur; celle cy respondit tout haut, qu'elle croioit desia dans son cœur; En effet elle fût baptizée peu de iours apres. Pour sa femme, voyant qu'elle se renge vn petit, il ne l'a pas voulu repudier, quoy qu'elle ne le soulage quasi point en son mefnage. Nostre nouveau